

四庫全書

集部

欽定四庫全書

集部

澗泉集卷九

詳校官庶吉士臣吳烜

主事臣呂雲棟覆勘

謄錄監生臣沈霽

謄錄貢生臣張大同

欽定四庫全書

澗泉集卷九

宋 韓洸 撰

五言律詩

過沙坑留遺余子任

約我沙坑外南礮共說詩山林已黃葉籬菊尚青枝良
晤真難事相期若舊知翩翩采果下想像入城時

次韻斯遠喜子見過

無地尋明月因人且出遊猖狂疑有謂拓落信何求山

水知回薄杯觴得獻酬秋情吾卜夜垂老未為羞
望望公超市烟雲滿眼過經時不相見此地復如何物
色真難識情懷敢自多喜君詩在手吟諷亦婆娑

同鄭處晦尹子潛過趙十

老去吟何味分明水一杯目前輕過節身外待尋梅尚
以同盟至寧云不速來此時心寸折猶幸小徘徊

十一日過景瑜

下郭山盤屋軒亭景晏如淺斟留把酒細字見抄書河

洛無由返江湖已定居子孫皆土著魚米我還疎

子似見過

門外梅枝曉人來乃是君衝風迎臘日欲雪動寒雲禹
穴山陰道西湖處士墳我懷何用寄搔鬢白紛紛

邢大聲廣聲于去非携酒約解元衡畢叔文及
蕃過陳叔尹值叔尹之出成四十字

松竹連花樹田園帶隱廬青衫寧累我黃卷不孤渠載
酒期間字經邱逢命車龐公雖浪出且慰故人疎

蕃留
此兩

月矣才興去
非把酒于此

添倅至因謁之來訪乃故相郡侯之子也

相國推前輩通家復勝游人知新別駕我嘆舊州侯世
數推遷遠時情展轉休衡山雲冉冉玉水日悠悠

過王仲如林隱

莫把閑情醉空留野老詩雷聲梅雨過日影竹風吹林
隱訪前話華陽非近知相過二三友比客更邀誰

昌甫携兒姪載酒來送分韻得房字

春寺不尋芳詩翁作醉鄉花香空夾徑草細恰通房僧
固枯禪寂人非好句忙出城惟怕晚冉冉趨斜陽

二十七日周七載酒且懷春伯

十載梅陂酒青巖始共游香傳高樹晚涼映小塘秋飲
亦何勞醉吟成苦未休補陀山下客能為此回頭

黃仁卿見過留之而無酒因要宋衡携酒以至
得以款語已又酌仁卿携行之茶成四十字

雨重烏白樹風微萱草花重携萬安酒再淪建州茶邂逅

近年何晚情親日自加兩君真玉立而我愧無瑕

施重益留夜飲

秋閒得幽討竹澗欵門時絕壑通流水橫橋壅斷陂
花已芬郁山木未凋披靜夜持杯酒人清更說詩

蹈中見過山間

貴賤曾何在悲歡孰使然如君真絕足奈我已華顛
勲業誰彛鼎文章自簡編中原有前輩吾憶范忠宣

三月多風雨門前澗水侵岸花無一片園柳忽成陰有

客因留飲呼兒取次斟
橋南春郭外珍重肯幽尋

小飲春山

細雨初冬夜溪山書院燈開來四五輩留飲兩三升
久坐形神定高談意氣增我歸眠蕙帳誰信在家僧

初十日黃仲明見過留飯却同至野趣飲茶

風力催雲雪比鄰往復還穿林踏黃葉沿澗看青山
共飯因而歎煎茶益以閒歲寒如此過他事肯相關

山空吹雪意草樹晚天寒烟抹忽收起風行時坐看鷄

聲村店遠雁落市橋寬儘道閑多病老身還自安

同昌甫陪朱虞卿約尹鄭二士飲食艮堂

到處逢春酌閑吟過此生落花亭上飲芳草岸邊行我亦非無興人應不負情風光共流轉樓外遠山明

朱虞卿以詩送家釀和韻

絕嘆交遊落何論比與周座開今日酒門欸昔年秋濯錦江頭杜元都觀裏劉相望風雅在天地一虛舟

王校以詩送筍及一壺

礪道迷蓬藿山空且熟眠雨多從蔽日風橫任吹烟歡
喜收牋翰提携到酒泉更逢初斲筍急急和新篇

坐客競置斝核因賦示尹子潛

魚蟹人人饌柑橙盞盞詩醪芳隣所借情分客能知城
外溪山在門前巷陌卑寒雖欺木葉春已報梅枝

雪寒錢

加賜雪寒錢歡聲禁旅傳妻孥應盼盼兒女定躑躑醉
熟千家酒炊香萬竈烟何須談挾纊王道本通天

次韻昌甫分遺烏石茶

茶經空爛讀讀罷出溪頭竹杖雖流憇
藜牀復倦投尋思煎以呷展轉卧而遊
烏石瓶能好甌犧底用憂

昌甫送艾葉餅

我愛郊居者春芽艾葉長雲春和豆實
霧摘帶麻香杞菊天隨舊蓬蒿仲蔚常
近來關膈病且得煖枯腸

十三日至草衣院因上靈山閣

塔院橫塘草階梯大谷林風聲迷近渚
雨氣暗遙岑索

麵僧回鉢持醪客屢斟依歸從早出靜寄得幽尋

謝乙翁上人

雨後晚窻日方盃燎竹爐二茶勞見餉一記又能摹看
了信何有啜來昏更無阿師莫作劇我悔不逃儒

訪杰上人

澗道濕凍雨林扉藏斷雲寒聲肅肅起暝色杳杳分齋
餘隨動息禪外失知聞坐久催煎茗爐深亦炷熏

初二日大雪訪杰上人

山中知我老雪裏見僧清物色添幽意年華近俗情樹
遙風共晚岸窄水初生一榻茶烟熟更聞寒雀聲

王通叟自溫之贛過門因得五字

菴高一宿覺不是二乘禪露柱燈籠裡狸奴白牯邊前
資欽戒臘參學待機緣吸盡西江水從將此話傳

建陽連周賓幼入佛學近祝髮江東真運副請
住信鵝湖不出

不住鵝湖寺惟甘小隱堂老來纔祝髮靜處久燒香妙

喜機緣峻竹源滋味長建陽橋下水夢見亦清涼

寄天目僧文禮滅翁

生怕人饒舌詩吟不着題飄零驚已晚依約夢還迷但願乘風去何言立雪齊萬緣誰百計谷隱自巖棲

東宿之藏主

雪觀碧雲合簷花帶女蘿磬清收梵唄香淨入禪那粥飯門房少經齋城市多幽人隣近住取次一相過

乙上人來過

恰自山崑轉又逢瓶錫過風軒灑飛雨雲壑漾迴波且
啣廬山飯休論擊壤歌塵勞空恁麼禪悅竟如何

雨中過春山

溪南上下郭得得過春山自嘆欲何往相從非等閑波
深魚潑潑竹靜鳥關關若箇漁舟晚延緣見葦間

十六日過萬頃新田

別墅能懷謝開軒既有雲大田還築室小醉話知聞葉
縣仙非俗蘭亭字不羣吾儕今老矣隨意度朝曛

山崦

山崦昏濛雨溪流冷落風隔城須會友閉戶獨衰翁交
氣遊譚外存神燕息中可容諸念起應與此心同

晚步東庵

薄晚登山屐霜林脫葉飛中間看月上低處覺烟霏鷄
犬近相接人家遠獨稀故園應好在凝望客思歸

二十一日晴過山園

飯了小園間乘晴享此閑因行掃黃葉隨意看青山取

逕嫌林密為基惜地慳繩牀坐來久一飲又徐還
飲亦微微醉歸來睡思濃身形方放脚鼻息自填胸熟
美可嫌老輕安只益慵分明醒復寢不覺到昏鍾

幽豔

幽豔人誰識孤標我豈堪水烟春淡淡山日晚酣酣縱
以詩隨看其如把酒參子游清興發半道記興籃

十二月入城因步城東

霧暖南溪路日斜東郭門老身愁近俗閑步喜前村訪

舊尋詩話同來取酒尊幾多山樹外梅動影黃昏

二十日雪中入城

不須深巷卧懶學剡溪回破轎身閑出衡門手亟開山
林遽如許人物豈他哉橋過城東宅朋從三兩來

一曲

一曲寒城外青山四五家庭空鳴敗葉樓迥起清笳市
遠興逾逸人來話亦佳夜深殘月澹還有未棲鴉

靈溪道中

但覺村深好青山分外多連延俄聳拔回復又坡陀風
冷平沙鴈天空上水鵝晚時見魚艇吾欲借其策

靈鷲道中

案詩二首其一見五言古

歷歷山川舊輿籃我為遲偶同三友去又作一篇詩懷
德樟丘遠閭門玉片思僧憲歌夢枕休問夜何其

過吳淞

按此詩二首其一見五言古

敢有懷君意人生任所從千山纔越楚一水又吳淞白
髮居頭亂青春入眼濃乾坤隨處好詩酒自能供

震澤

春風吹震澤欲雪未多晴轉柁何忙去停篙且緩行柳
搖田漠漠草軟岸平平四十年前夢心驚熱眼生

秋閑因小舟上南礮

老自轉便靜閑誰不奈貧山林無長物天地有忙人玉
水時時急靈山日日新涼風吹四壁吾憶坐忘真

野意不堪老秋懷無用悲更容書作祟猶藉酒能醫去
去孤雲片垂垂小雨絲人生偶然爾天地也如斯

暑退涼生處，新秋月滿軒。
僧坊從解夏，符籙競中元。
桂菊花將動，禾苗穰正繁。
世間多俗節，投老且清言。

澗谷慙真隱，溪山欲浪遊。
流長宜逸槩，灘淺可移舟。
秋淨雲初薄，時豐雨未休。
短篷吾自喜，知識有浮鷗。

除夕前一日溪岸晚步

春動高溪水，交遊獨有君。
人情雖澹澹，物色已欣欣。
香轉梅梢日，光分嶺外雲。
林亭同眺久，竟把一杯醺。

午步溪邊路，誰家小築幽。
敲門問亭榭，迎我具觥籌。
意

適春光動晴曠野色浮一株梅更好香艷發梢頭
小醉歸來處陶然度夕陽一溪波汎汎半嶺樹蒼蒼歲
晚身何用春新意欲狂只宜同判斷柳外百花光

雪晴南園放步

臘閏春為早梅花處處多不知千樹暗無奈一枝何雪
後風初峭霜前日已和老人山澗曲不飲亦婆娑

過野趣

春澗涓涓水山雲放晚晴捧身推戶出夷步過橋行細

草梅英嫩崇桃柳線輕人忻得芳事禽鳥亦飛鳴

晚步溪山堂下

曉園經雨潤飲罷過溪邊燈火三家市檣竿獨客船傍
崖支徑去設席得茶煎寄語同來者茲游亦自便

香積寺閑步

淪茗幽窻下圍棋小檻旁同來一尋勝散坐共追涼水
竹元深茂巖花已再香長安塵土裏城外喜行藏

十三日自趙十家同諸友步至浮梁

淥淨偏浮月清虛正得秋半酣元有興投老却無愁露
氣遠猶見煙光冷不收孤城對蕭寺新鴈便滄洲

同黃靖州閑步

秋淨晴原日因行過屋東歸來三載後猶得五人同問
訊荒園外周遊並舍中留連一盃酒還我舊家風

夜同處晦霞山

案詩三首一見七
律一見七言絕句

燈影山窻淡盃寒道院深世塵心力弱時俗鬢毛侵煙
莽開幽逕霜枝墮遠林地偏愁獨往鄰近喜相尋

晚過靈室

溪淺寒光合山橫夜氣深
擁爐詩觸撥舉白醉侵尋
話久銷塵慮情忘見道心
斷霞明別渚霏霧鎖遙岑

報昌甫青岳之遊

秋到青岳寺山深眼為新
尋思曾宿客笑我再來人
欲住苦違俗便歸愁染塵
爭如兩峯底苔竹養吾真

黃仲明同看池上菊一酌因出溪橋久之

飲菊明山日行林挾岸風
近霜雖落木得雨自成叢
小

醉情懷外微吟步武中幽閑有如我邂逅復心同

雨倅約過南臺

別乘偷閒裏南臺避暑初招邀到班邵宦達付嚴徐賢
相規尤遠靈山畫不如荆淮多戰鼓煮餅少躊躇

聞昌甫斯遠成季下瓦窯灘又與伯臯回塗小

集成季書院

八月南礮夜遙知聚德星航溪不用楫解榻卧長瓶上
下知何往遠離憶屢經前簷撲山翠梅葉映窻櫺

六月二日晨起

雨足風尤潤嵐深日未開
一山涼有樹四壁淨無埃
雞唱遠仍密鳥飛低復回
寧憂身已老尚喜客能來

曉起

曉起百無營山空一澗清
林霜知爽甚簷日覺寒輕
靜整遺編讀閑循古道行
囂塵不到眼禽鳥亦忘情

聽琴

以彼發此意因此知彼聲
山川既閑遠天地亦清寧
獨

撫曲空奏相宣調易成何由俗子愛宜是老夫驚

靈芝寺清坐聽潘德久弄琴久之小酌而散

秋晚靈芝寺陰雲闔復開荷枯半倚草栢老徧生苔興
到容吾賦閑知與客來琴邊更三疊莫放酒船回

晝困

困來四壁雨睡覺一窻晴頃刻寒猶煖移時暗復明揚
揚柳絮起蠹蠹竹萌生芳檻鳥啼濕小池魚隊平

南窻日午困坐

困頓南窗日衰頹畏隙風酒因寒得策茶與睡書功不比馮唐老渾如阮籍窮驚心還嗣歲隨意過殘冬

雪中圍碁

樓外千山雪年年只欠詩盃停常欲速碁負不容遲玉振光回合冰清氣眇彌咸言聊自惜世路易磷淄

夜坐

冷夜灰堆坐尋詩細撥燈心懷為宛轉語句得憑凌歲晚愁多飲冬來煖未冰俄聽荒犬吠村靜遠相仍

鄰家夜坐

燈影搖初夜寒聲落近山酒隨人意淺詩寫我身閒莫
念流年速空搔短髮斑然而醒復醉蓋謂往仍還

好仁齋夜雨與子似對牀

湖上歸來晚空齋夜雨聲對牀驚昨夢隱几話平生燈
淨書還讀香銷句忽成他年相望處吾亦用吾情

杰上人房午睡

喧卑無睡處猶得到僧牀涼潤新蒲雨清熏老栢香不

嫌茶作祟何待醉為鄉事事俱離眼其功接混茫

次公招飲余子壽同坐

老覺過從少斯文恐不然參天兩玉樹忽墮一杯前
意象心非石談鋒思湧泉冰霜凍梅蘂滿眼是新年

縱酒

縱酒非能飲長言未是詩年華除夜逼心事故人為君
欲醉須醉我還歸便歸南礪到南澗官柳野梅知

示病

示病原非病愛閑方始閑水邊寧欠水山外更多山我
豈要人拙人應嫌我頑臘窮春又立梅雪共斑斑

感風發汗卧病數日推枕脩然叙事為十詩

病起窻前坐哦詩一解顏人生祇恁麼世事未如閑朝
路誰知舊田廬自往還從今無別計風月老溪山

病起香初炷蓬蓬噴玉煙絲頭方過眼穗脚忽成拳垢
盡心無染塵銷意欲僊吾生太癡絕臭味乃如然

病起思新茗催煎解眼湯分來香細膩啜處味偏長日

永門庭靜風輕院宇涼更尋雙井試甌面乳如霜

病起支頤久形神稍稍安豈堪誇壯健只怕已衰殘希
聖心無倦求官意漸闌不為君子棄何恨對瓢簞

病起水邊行風回柳弄晴岸虛微坼土澗淺細無聲寂
寂心逾靜飄飄神轉清衣襟帶波影搔首又詩成

病起呼童語門前客不來無人理花草為我掃莓苔只
欲尋書帙何心泥酒杯樹陰橫澗水鷗下莫相猜

病起尋藜杖閑情孰可論騰身上危徑着眼已高軒城

堞看州宅沙汀識遠村幸無衰老相逸興且丘園

病起加餐飯隨宜且菜蔬何須尊有酒豈歎食無魚絕
不關人事多慙得自如從他志溫飽我愧腹空虛

病起看兒戲階庭閑不休覓錢何所用得果更無求轉
覺童心好翻令老態羞年光正如電愁入鬢邊秋

病起何思慮空齋讀易時沉潛三畫象研究六爻詞孔
繫誠難識揚玄恐易知乾乾且修業學處在觀頤

中歲

中歲百事懶頗覺山林深體適解巾屨情安弄書琴流
年度寒暑盡日看晴陰窮達苟不委何以全素襟

白髭一莖欣然為賦

髮已經年白今朝又到鬚形容真易改心事合全無曉
室開青鏡晴窻據槁梧門前誰送酒不恨老東吳

燈火

燈火水邊城閭閻月始明舊年行樂事新歲合歡聲雪
後猶含凍風前未喜晴崇朝雨如瀉溝澮又皆盈

寒燈

撥剔寒燈燄消停
煖酒杯醉從愁畔過
夢自覺中迴幽興
故為熟衰顏底用
催小園荒草外山
意數枝梅

短吟

高看復下看
長吟時短吟
人寧常適意
世或盡知音
靈運穿高屐
淵明理素琴
海隅風渺渺
山窟雪森森

即事

蒲葉亂陰雨
藤花開煖風
澗流歌岸遠
山逼小亭空
躍

黽踈叢外啼鶯密樹中望隨橋上下行過屋西東

春情

結綺尋芳去春光處處多鶯花遲日麗燕麥惠風和翠
滴烟林石紅搖晴浪波餘情約重醉歸路聽行歌

偶懷

已過中秋月木犀猶少開固嘗同客飲終是欠朋來烈
士志何在幽人喚不回淒風亂紅葉零雨濕荒苔

偶成

酒亦逢人飲詩須任我吟短長徒有興醒醉蓋無心爛
漫歡中趣幽微得處尋佳時思共賞良夜忍孤斟

惜氣思仙伎因心理佛書心安何所覺氣積本乘虛造
化融成後神明主宰初縱疑摩詰贅未信洞賓疎

出處升沉地中年付短歌世情時轉變人事日銷磨盪
寇聲雖在平戎意尚多山空流水急啼鳥下烟蘿

偶興

按此詩四首其一見
七律其二見五言古

老喜交親熟貧嫌故舊真山林無長物天地有垂綸胡

蝶身中葉銅駝世上塵江南要梅雨耕稼一番新

轉覺

轉覺親知少旁觀事緒多百年從汨沒一句待吟哦小
雨催新桂連陰養晚禾山深秋澗水清溜亦盤渦

隱遯禪參

索隱安肥遯安禪豈飽參有緣皆可到無悶悉能甘野
飯耕而美村醺醉以酣因思前後際不與話三三

三月下旬藥局書滿

賣藥居吳市人猶識姓名自驚無遜志誰信有浮榮
野迥林須密泉深水更清春帆送歸棹天地一身輕

初五日聞遣戍

搖落秋風急蕭條易水寒悲歌誰激烈宵雅自平寬
本道尊中國何庸伐可汗山居聞備塞莫厭腐儒餐

游宦

遊宦家何似兒帝婢僕寒敝衣無服飾薄飯少杯盤
原憲貧非病龐公遺以安江山冬自好梅已發林端

欽膝

欽膝貪窻日抽身避隙風
深藏破屋底困處小樓中
舊雪積猶在新霜凍未空
壺漿無剩綠爐炭尚微紅

書懷

古來憎命達今亦歎才難
我自厭時暑人誰耐歲寒
升沉空早計中外試徐看
莫為多窮困而懷常晏安

有懷

晏齋風雨夜門掩是深山
絕俗詩編淨懷人書尺閑
兒

孫今滿眼鷄犬久怡顏萬籟定俱寂高標不可攀

獨行風雨夜家事復身謀推枕茅簷起停驂麥隴收親
情離聚矣故舊往還不撫著時文笑榮塗遍九州

山臺風雨夜一點是青燈獨把麟經究誰知驥志憑隔
溪常過客近寺不聞僧梅夏清清裏翻愁易鬱蒸

山庵風雨夜莫惜細論文友直惟家學僧清豈世氛隨
宜粥飯好奚止搢紳云磬歇香燈上詞場自策勲

山居風雨夜吾亦老侵尋搔屑蕭蕭髮收平耿耿心更

初殊不寐人靜尚孤斟盡屏閑書帙猶餘一破琴
冷齋風雨夜兄弟笑言溫燈火菜衣戲文書馬帳尊更
聲傳杳杳簷溜落紛紛茶果團圞坐都無官舍喧

宋監倉挽詞

呂居仁作其祖志先人作其
父志有三子兩人通詩春秋

祖稱碑銘在階庭經術長宦塗欽撫字祠館歎行藏北
客多先契中原隔故鄉交遊真破夢哀挽不成章

太尉武泰節度壽昌侯挽詞

漢數當時盛唐知餘慶家至今猶相家從昔建高牙陰

鄧何勞擬崔盧亦漫誇南來方再世閱閱本京華

乾道風雲際公持繡斧初既為澄獄戶常憶使穹廬主
聖元無隱官邪可痛鋤閩山江浙水屈指事堪書

晚節齋壇拜勲名已四朝開邊屢銅虎告弟僅金貂壯
志自難已英魂孰得招中原諸老盡江海聽吹簫

江西趙漕送丞相行狀索挽詩

歎息經邦志恢洪發大魁兩宮傳眷賞諸老競招徠兩
露銓衡際風雲史館開宗英圖一相盛事却生哀

全蜀欽隆委閩山兩帥華中權收節制入告罄忠嘉宣
輦猶持柄垂簾竟報麻奮身扶日手國爾信忘家
任道崇儒素虛謙不近名門庭規以睦塗路畏夫清世
固推源委人今孰統盟皇明酬卹典四表亦歡聲

李信州挽詩

一自南臺酒公今成古人方期千載事豈料百年身從
俗心良苦安時志欲伸稽山歸旆颺我淚亦沾巾

家世既如此為邦可謂賢廉名前後少儉德始終全時

喜政平矣吏嫺民晏然下車雖未久遺愛玉溪邊

吳雷州挽詩

睦信推潛德饒封代有成海康開郡紱淮甸入廷評進
劄誠良遇黜輸惜重征誠齋廉茂薦尤足動簪纓

冰壺時泛玉水宿更雲莊捐館嗟何憾移庵得所藏開
田期族衆濬港見流長普濟名陂意南中保衛方

耿和州挽詩

歎息餘光舊吾翁識此公後來持帥閩勇退有高風示

疾帶湖上真祠崇道中傷心華山路松栢窈幽宮

右學騰高第掄才閣策尊一心依日月無力正乾坤
插帶環宮陞蕃宣復塞垣遺芳餘慶在猶記笑言溫

何信州挽詩

憶昔絃歌盛臨歸送以詩恰如前日事又作百年悲
蒼嶺新阡遠靈溪舊治思悼亡猶未殯丹旌忍參差

內子猶未

哭卒

家族開王社姍親滿帝京紫樞推玉友青瑣本冰清
勲

業持荷近才名折桂榮從茲纔得路胡獨止專城

趙吏部挽詩

餘干丞相子李敬子作行狀

克保家聲大脩明國論難退閑聊激懦辭名豈圖安入
館纔郎省高科合世官同門名士筆留狀後人看

潘太博端叔挽詩

歎息詞場舊淒其三十年訓言猶在耳輩行敢隨肩師
友真凋落交親僅接聯何因置芻束東望只潸然

竹院晁學士挽詩

主客文風在家仍竹院名有孫宜世祿廼父今公御事
至不如意人應為失聲傷哉蒿里去書劒竟何成
歎息通家舊姻連豈異鄉江南流寓久濟北老成亡健
筆餘賤翰高歌付酒觴鵠湖玉溪路無復見徜徉

挽吳九伯豐縣丞詩

往者靈溪路君嘗過我廬相期千載事竟欠一行書論
定終何有生平合自如九原不可作宰木夜臺虛
養志年方盛持身德已明一官雖未達百歲豈銷聲師

友嗟零落賓親自送迎
翩翩丹旆遠老泪亦須傾

挽江浦縣丞鄭公詩

寂寞同州守衣冠葬玉山
國家遭禍變臣子不生還
異域城應在中原路尚艱
有孫纔九品本擬上朝班
卹典勸天下諸公譽更多
傷心立門戶遺恨滿山阿
猶記交情舊時將詩句哦
浮生如意少薤露忍成歌

魏知府挽詩

邦建侍郎之子

先正聲猷在諸賢
競挽推蚤年知振厲中道惜裴回
論

建何老識文詞豈小才近來耆舊盡徒與士生哀
歷歷親言話長懷逸老堂典刑杯酒外氣象簡編旁有
子真源委何人更發揚宣風覺庵地霜露鬱乎蒼

都漕陳侍郎挽詩

思誠

赫赫相門舊龜峯照玉溪豈云名宦達殆欲古人齊文
物禁林上光華使節西黃金橫帶處新築乃幽棲
尊酒游行地淒涼僅隔年傳聞當勿藥却報卜新阡哀
挽嗟無及忠言孰為宣彼何兵弗戢去國記翻然

吳德夫侍郎挽詩

葵軒鑪鞴大成鑄幾英才絕歎長沙久常欽蜀道回豸
冠千仗聳鳬舄九關開持漕西江日深慙過我來
不為盆盎淺直欲挽狂瀾下士謙何假崇師歟未安只
今那復有從昔信為難見說清閑甚無錢可蓋棺

徐文子侍郎挽詩

分教隨為大公能過我廬縉雲嘗和句湓浦近收書天
府人間仰甘泉帝所除無高情復見官路竟何如

承華推舊學鴻翼本高飛次對恩空在還官事已違雙
元今孰並高士古猶稀應有交朋老泉溪泪濕衣

挽胡園王先生詩

在昔從諸老子今失此翁貌莊知德性身退仰高風制
宅規何遠藏書意轉隆雖非官可貴自與道無窮

著述欽成說叮嚀憶緒言不期捐几杖無復賁邱園行
旆村前路豐碑屋外原形容慙識淺相挽只聲吞

舒彥升監簿挽詩

不作驕浮態還同謹厚為決科將顯大脫選復逶遲漕
幕雖論薦朝班僅取知相看豸冠聳忽聽薤歌悲
起家榮宦路紀墓重鄉閭忍見交親語應求者彥書成
名常自美遺範久何如東阜田園在西山縣郭虛

陳宣撫待制挽詩

百尺樓高卧宜乎造物遊衛青開幕府李廣不封侯世
界乾坤在邦家歲月流遙知水心老歷歷志諸幽
到眼交朋少前頭師友多膠庠一鵬達臺閣合婆娑混

迹談諧爾成名字畫何隆興乾道舊零落幾山阿

李正之丈提刑挽詞

猶記登龍日分明捉月仙精神超物表才術本天然符
節多遺愛壘書行九遷豈期歸蜀道乃爾閔重泉

耆舊今零落風流近所無歌詩到元白字畫逼歐虞為
約言猶在收書德不孤階庭知有子慶澤自相符

公作墳約

先公跋之公在蜀收書將為義學

余寺丞挽詩

仁宅居郊秀儒科載世清致君纔列寺教子亦專城寵
數垂車佚恩封進秩榮逢辰俱動色厚夜失吞聲

恪素安時論謙洪陟宦塗飛鳧應縹緲戕乃踟躕玉
水流深派靈山擁壯圖豐碑看隴首大隧錫龜趺

俞麻溪挽詩

哀挽麻溪上人皆說此翁平生多義事終古盛儒風湍
石推名族清湖想舊功瑞雲松桂滿寒露濕碑豐

黃都幹挽詩

歎息凋零舊江城北客稀宦塗誰衮衮里社獨依依曾
決文闈勝纔從將幕歸清霜吹夾路老涕亦須揮

東陽郭德誼挽詞

呂祖儉志朱熹
銘徐元德述狀

赫奕汾陽後才華冠里中一官難未偶五福合無窮賓
接師儒意興揚禮義風不亡知有子嘉譽發諸公

閭里應哀挽佳城閔九泉素車行靡靡丹旌去翩翩腸
斷西沉日淚流東逝川空餘書劍在石洞貯風煙

哭趙子夷縣丞二首

海內宗盟盛振振乃好修傷心終契濶回首近從遊才
學年方壯聲猷志未休人琴遽如許歌罷玉溪流

病阻躬臨穴慙慙寄此哀嚴霜著松栢寒日轉蒿萊千
雨應俱集一詩慙匪才致芻徐趙在彦章
昌甫亦足慰泉臺

宋和仲挽詩

舊話無人說南遊事益睽田園落吳楚鄉社失青齊道
院松風在佳城薤露悽衣冠典刑地遺恨滿雲溪

宋柳州挽詩

清德鄉閭冠嘗思宋柳州故家猶有後季子更無求世業終能守生涯僅足收傷心往來地翩旆土岡頭

余四一隱君挽詩

伯臯之父伯臯云已求文叙於葉正則侍郎

委蛻竟觀化忘機豈馮生閑亭非故步佳叙是修名有子庶縣遠無官底重輕遙憐小水寺松路鬱深清

哭方伯謨

士繇

平昔意脩然閑吟肯自賢貧應聞苦節學亦得心傳路滑稽溪上草深雲谷前何時奠鷄酒為滴到重泉

哭潘恭叔宣幹

憐我山之澗高軒昔再過人生倏長往天意竟如何德
學知能紹儒言信不磨春風青宿草宰上想坡陀

哭呂三

東南駐驛地近歲少狂言誰謂長江上又招遷客魂歸
由徐穉舍葬附阮孚墻寒日松風起妻兒獨泪痕

喪從
洪井

歸墳在明招
山阮孚墓側

哭斯遠

彤庭將賜第疾病已纏之藥裹自無及朝衣誰為披識
高空宛轉意廣竟參差只有章泉叟與渠收舊詩

南豐宋郎中夫人曾氏挽詩

奕奕南豐氏新碑見母儀相夫郎省日從子法曹時懿
美人皆仰隆恩世所推流芳當益大雙鳳印累累

俞夫人楊氏挽詩

往歲登門日庭闈見淑稱從夫期鼎貴有子定登瀛驚
詰恩榮在魚軒夢幻驚誰歌萬里挽寒雨和松聲

江尉挽詩

有子承家美能書已薦賢
葛塘成別墅嚴瀨亦同川
意本功名遠身猶爵命遷
臨終言不亂雲繞寶華天

陳太平挽詩

相業冰溪望明公實妙年
方看回舊觀乃復閱新阡
才學時爭美聲華士更傳
發揚文正諡尤動九重天

歌酒追隨地名園記昔游
升沉嗟潦倒哀挽為悲愁
自出推王社友于纔郡侯
聯翩期禁近何意遽浮休

德源訪乳泉問呂紫薇墓

我記乳泉路古橋歸德源寺何知雅俗僧僅可寒溫砌
斷蘚痕澁崖枯塵迹昏紫薇青嶂合秋樹葉初翻

監倉趙十忠訓挽詩

先邦俄三世新交僅七年於中雖斷落方始要周旋志
勇科名換身勞疾病纏壽藏留石室耆彥定銘鐫

經史閒常說詩文喜或編見賢知尚友憂國問籌邊宗
室多名世莊家喜有年崇公元盛大郡從已騰騫

五言長律

尋詩按酒

拔卒尋詩將同朋按酒兵巢由空自洗沮溺向誰耕
城市時來往鄉村日送迎任之多論秀分矣只編毗上郭
如拳大南溪指掌平醉隨吟力去歸隱紫雲生

贈趙倅

老去懷玄英冠塵已滿纓宦遊雖降志棲遯實留情幸
以此身在何由得眼明相家逢別駕仕路合專城敢謂

融尊滿而同孔蓋傾不嫌林竹迥却愛石泉清舉扇風
襟豁停杯月面輕銀潢瀉天派詩就玉繩橫

送鄭盱眙

羊陸規模遠龔黃政事多剖符欣委寄視篆欲如何秋
入江湖道寒生淮泗波提封新保障對境舊山河吏蠹
應銓擇民窮藉撫摩蕃宣歸俎豆盟好戢干戈才大知
誰識詩成想自哦風雲嘗負劒雨露憶鳴珂緩帶從簪
履凝香接綺羅雅懷今鄭谷壯畧古廉頗

按此下疑
有闕文

張禮書帥隆興

國是古難定公胡亦帥藩勞懷雖禁路雅志已邱園在
昔從諸老于今盛一門便藩方異渥勇退復明恩家學
資經緯儒科得本原等閒為出處何必較騰騫致主丹
心在憂時素髮繁紛紜誠蟻虱變化任鵬鷖華閣猶前
席洪都漫左轡建牙儀甚偉分屏望還尊持橐嘉謀略
橫經妙討論皂囊懷直節青瑣務忠言紬史知無隱明
刑信不寃治纔和上下力可正乾坤收斂當侯閭迢遙

遠帝閣九遷由簡拔三入匪趨奔落落終難合悠悠實
易昏歸應思賀監到日記陳蕃自歎驅馳困誰能顧盼
溫春風動行李只有夢隨軒

欽定四庫全書

澗泉集卷十

宋 韓虎 撰

七言律詩

西山道院立春日

春風吹我上簾輿
山路梅花已雪如
道院閑尋舊題句
故人不寄一行書
物華滿眼知春至
世事裝懷逼歲除
猶喜重來有佳伴
何妨相送入樵漁

晚春

幽砌疎畦送晚春
水流山靜見閑身
行吟散去風光好
熟睡醒來雨氣新
木筆豈非濃意態
石楠終是淡精神
鶯聲圓處鶻聲急
景物要之不負人

春日

紛如殘雪墮梅梢
門外春光入柳條
歲事肯隨人意改
時情空使客魂銷
山園古屋地還僻
水拍孤城灘復高
鷗汎鳥鳴聲自好
一巾華髮任蕭蕭

惜春

惜春惟付酒杯深，不特年齡老鬢侵。
花柳共隨人酩酊，軒裳祇覺我嶄嶄。
數家突兀，迷深谷，一澗連橫出茂林。
行遍東鄰與西舍，弄雲初日見啼禽。

八月

山林風雨便清涼，待把鄰家社甕嘗。
到手自應無美惡，回頭誰解別斟量。
深居但覺秋聲起，熟睡焉知夜漏長。
未老得閑今又老，牀頭書冊漸相忘。

人日

人日春來又兩宵梅花開盡已飄搖
愛閑多病有誰問
偶景獨遊無自焦
門外溪山猶淺淺
床頭書冊謾昭昭
細看榮辱雲翻雨未抵幽棲水一瓢

熟食日

清明寒食牡丹紅
江右無人記洛中
隨分曲欄皆一種
任他荒徑亦成叢
百年流落推遷景
一代興隆造化功
誰識名花有姚魏
數枝單葉倚晴風

二十九日寒食

案詩四首其一首見
五古二首見七絕

曉色濛濛淡淡烟花間行過小溪邊人家寒食當晴日
野老春遊近午天吹盡海棠無步障開來山柳有堆綿
呼兒覓友尋鄰伴即看村農又下田

清明

欲賦春華狀不成微風微雨又清明殘花滿地偏饒笑
高柳插天如有情百歲光陰誠鼎鼎一生懷抱強營營
相思真隱山前路寒食酒杯終日晴

小院春陰滿檻花淡紅微綠自芳華簷前落日蜂兒聚

簾外東風燕子斜修禊人尋詩事業清明天與醉生涯
一樽莫負流觴意夢到蘭亭興亦嘉

重午乏酒戲成

小樓清坐意何如休沐雖閑歎索居解粽未忘良夜飲
研朱猶作午時書風生暝色天橫幕雲捲晴光月吐梳
朗誦離騷撫空案獨醒笑殺楚三閭

重午

年年重午泛菖蒲兒女搔頭亦篆符忍復研朱如羽客

懶能切玉醉狂夫長歌楚些冤何有却憶山人諷已無
田里蕭蕭方渴雨小軒清望老懷孤

七夕次韻仲至

鈎月迷雲殢柳梢雷聲收雨轉晴宵從教冠蓋填京國
得似兒童遶市橋玉漏沈沈傳底恨銀河耿耿瀉無聊
政須百巧從天乞嬾和閑吟聽夜潮

七夕

今年七夕最淒涼謾埽天階試炷香猶使兒童覓瓜果

懶隨風俗曬衣裳
緹山何在歸寥廓
河鼓傳聞墮渺茫
百拙已成那得巧
年豐只欲更時康

九日

老眼當今萬景隨
登臺殢酒不關詩
從教四野風烟合
未必荒園草木知
玉岫插天開岳頂
水波流月照江湄
一巾華髮吾何醉
故舊攜壺汎菊時

又

酒不沾唇菊又華
荒苔何處落烏紗
微官汨沒其誰問

多病尪羸只自嗟
山遶層城明落木
江連孤嶼漲平沙
空餘能賦登高意
一笑西窗日未斜

九日列岫

試傾濁酒汎黃華
節物於人自可嘉
一上荒臺供遠目
更邀閑客墮烏紗
蕭蕭霜樹明晴晝
隱隱烟汀入暮霞
醉裏只多今古意
要知秋色在山家

九日不飲

風光流轉又重陽
午夢初回意愈傷
時序肯隨人境異

江山空對晚天長年華冉冉秋將老物色班班菊自香
雖少一觴還一咏恍然身世立蒼茫

日破曉攜兒姪上前山佇立佳甚

懷玉鏡臺開遠晴靈溪葛水去無聲園荒不礙憑高立
徑側何須委曲行露氣已濃清可掬日華初上畫難成
閑居九日依辰至舉俗胡為亦愛名

次韻昌甫九日

薄寒中人秋氣清山能高絕水能平獨憐佳節迫吹帽

誰可東籬嗅落英盡道詩家有昌甫每逢勝處說淵明
鬢毛垂領蕭蕭白應任雨風陰復晴

除夕呈仲至

小至才看語夜深歲除寒雪復闌心交遊每歎難同話
親舊相逢且自尋爆竹儘教鄰巷響屠酥先付小兒斟
崇朝又是春風起急景何由不緩吟

正月初六日

開年逐夜聞山雨陣陣聲催一樣春孤枕自聽元不惡

虛簷誰謂便能新門前有客尤全美園裏無梅益固珍
水活正添幽澗渌草生纖嫩亦初勻

正月十三日

南山春雪未全消路並浮梁步石橋深綠漸歸高柳葉
淺紅初上小梅梢峭寒寺院鐘聲起昏暮人家燭影搖
一夜東風吹酒醒夢回花月是元宵

十五日晴窻

絳霄誰復記宣和燈市錢塘未覺多香動軟紅迷錦繡

醉扶嬌翠入笙歌南來漸向百年久北望其如前日何
門外兒童正呼笑小窻晴色且吟哦

二月一日

一山春雪見梅花淶漲溝流浸草芽縱著峭寒雖較冷
不禁暄日便爭華遊蜂未放迷深樹回雁初歸泊淺沙
步轉橫橋已孤絕奈吹香處隔鄰家

二十二日

年過半百身何用猶有春來不世情夾岸桃紅仍柳綠

漫山月白與風清狂朋怪侶難收拾騷女癡兒易長成
老把一杯生日酒待呼沮溺耦而耕

二十六日

雨雪綿綿春欲深鷺湖石井舊登臨經行為我躊躇立
俛仰知誰放曠吟高爽山川無起滅卑喧人物有升沈
青蘘布襪茅柴酒花柳中邊惜此心

三月初二日

楊柳陰陰上小樓牕中遠岫夕陽浮棋聲競處偏饒笑

酒味醺時未肯休多病故應驚獨老一閒消得許多愁
清和莫放春歸去好事人須惜此遊

三月四日

三年寒食在山中柳自青青花自紅寓意本期詩得策
推愁殊覺酒無功消磨故態全然別冷落新交轉不同
原上子推將隱矣且呼錫粥對春風

初八日

轉覺春風滿鬢華冷烟寒食動梨花年年縱有心情在

處處寧無語笑譁澗水細翻晴浪急園林微轉午陰斜
數聲紫燕芹泥濕又入前村八九家

十八日

一年難得是芳時花柳暄明易滿枝人處其間無不有
事思以往摠何宜清和天氣雨頻斂冷澹風光日緩移
交道從前要申固惜春固可共尋詩

十一日

八年山澗送春歸流轉風光欲告誰草野其間無別種

芳華之外有殘枝
燕鶯蜂蝶偏他好
雞犬牛羊不自持
溪北溪南交舊在
輕雷吹動雨成絲

七月旦

才鼓南薰又得秋
中林清雨洗還幽
舊交到了終餘味
新話從來不奈愁
未利潔香花未減
芙蓉酣豔葉方浮
棋盤酒筭從容地
風物滿軒能會不

晚來

晚來無處不西風
散入千巖萬壑中
叢桂香邊烟幕歷

疎桐影裏月朦朧等閒散步情何限隨分微吟苦未工
秋色秋聲已如許更憑高處目飛鴻

天乃曄曄作深秋斷港回溪水亦收明月已圓雲淡薄
西風初老雨霏浮青鞵布襪隨宜過白酒黃雞有底愁
北客登臨多話舊只今楚尾是吳頭

二十九日

中秋過了重陽近不是騷人愛楚詞鐘鼎山林元自若
精神心術復誰知長江湛湛吹楓葉三徑皇皇把菊枝

宋玉謾悲陶令醉我何杯酒嘯歌時

閏九月旦

按題云九月詩曰春
山疑九字有訛誤

春山無伴怨傷神故作幽期一兩人
花外水田看白鷺
松根高冢問麒麟初非此叟其遊淡
終是諸賢所趣真
雨氣忽生歸去晚新詩改罷滿壺春

十二月六日

小園梅樹已吹花山映疎林水映沙
風信不禁時動蕩
雨絲維見日交加雖無清影為吟筆
猶有繁香在物華

我老一杯隨意飲數聲歸雁落天涯

十六日

雪飛三日暗烟霧雪住三日埋冰霜盡道春來須解凍
不疑臘盡未回陽樓臺矚望猶如積城市驅馳殆欲僵
辛苦農家應擊壤遺蝗入地麥青長

連日暖甚

按此詩五首其四首見六言

日暖既愁添疾病霜寒將恐壞收成石田未必倉箱足
人境還須氣體平薄晚閉牕危膝坐崇朝開戶放身行

一冬飢飽渾閒事安得淮南草木生

晴景

曉烟初淨雨晴時
膩日偎風不自持
溫厚便饒多著藥
輕肥全藉畧開枝
其間小院桃遮戶
此外孤村柳隔籬
香撲酒旗吟莫盡
艷明歌管醉方知

十四日竹居翫月

柳垂田水浸籬橋
月上蒼茫影動搖
秋不為他人事改
時間徒自客魂銷
歌聲感耳如何夕
酒力熏心匪一朝

推枕覺來風四起涼侵雙鬢疑蕭蕭

同鄭一過方齋又往山堂初夜微風雨作步至城外

得雨逢秋一醉同老身隨處為從容笑花齋外言談久
桂樹門邊步武通漫挾兩兒常兀兀既來三友莫忽忽
夜涼共踏朦朧月贏取歸橋滿袖風

經月少雨無雷連日方聞之

雨陰經月未聞雷風駕濃雲電倏開天盡熒熒橫屋去
地高殷殷下簷來浪明潮海瓊瑤碎聲撼山林翠碧堆

暑氣便回梅氣潤老農無復慮田萊

喜雨呈三衢蘇大使君

震雷飛電起雲霓想見鈴齋閔雨時十里頌聲傳道路
萬家和氣舞童兒春隆芝檢開歸詔恩浹棠陰有去思
行客為公停桂棹坐看豐稔喜成詩

黃門事業到公傳待月軒中世有賢剖竹少勞麾戟外
持荷今在冕旒前文華自足窮三古政力誰知即九遷
穎上通家今幾許喚回舊觀屬蘇僊

苦雨

陰陰天氣恰如秋雨密還稀不斷頭積土縱橫聚蚯蚓
敗牆零落上蝸牛支頤習靜猶成趣搔首尋思只伴愁
安得雄風埽雌霓滿湖晴日弄扁舟

留連三宿將出山社雨甚至二十一日

社甕同傾酒易深留連風雨為沈吟興言大抵多懷舊
何事如斯直至今下榻新窻還抵掌扶輿舊隱只關心
歸尋來路村村柳餘霽春空日半陰

十六日終夜雨

雨簷經月不通流一夜垂垂得滿溝
塵斂小園應菜甲地甦長畝見禾頭
暑消未足添吾詠歲熟當能解國憂
少待甘霖遍江海老夫亦欲具扁舟

初十夜雨十一日大雨呈趙守

醯事初嚴雨已傾神車西上百川盈
坐令田里三農喜身見邦侯一念誠
歡動追鋒歸禁近福迴眉壽奉親榮

鬱攸洗淨餘氛後開士畫傳禪月清

聞攀禪月所作應真

夜坐雨聲

山靜蕭蕭吹雨聲
葉爐無火有燈檠
潛神試數出入息
專氣不聞長短更
坐定布衾疑地煖
起遲紙帳失天明
年來白髮身為老
齊物篇成亦強名

夜半聞雨聲清甚

雨聲催我夢華胥
清氣於人便有餘
惟適之安非素隱
不容何病是閒居
茶烟未了歸真覺
香霧初橫切太虛
却憶華山陳處士
惘然推枕聽階除

雨思

寂寂無人倍覺秋雨聲風色驟還収高林背日孤城脚
細草堆烟古渡頭中夜荒雞劉石舞上林飛雁子卿愁
相看籬菊崑花後華髮清尊可罷休

閏月八日雨

一雨山林方始秋世間休待我回頭心雖未老何須壯
身自長貧不用愁滿地烟雲終淡淡數家雞犬也悠悠
木犀開後菊花發隨分杖藜尋酒筍

二十七日雨意如秋

一雨山林又近秋，亂鴉鳴處已飈飈。
聲連簷溜更初滴，氣撲庭陰曉未收。
爍石炎威真可畏，著人涼意却生愁。
西疇想見芄芄矣，且問今年早熟不。

立秋後一日聞雨

秋來便覺雨蕭蕭，涼入西風百慮銷。
夜靜竹窻聲自起，晝閒松院影長搖。
苦無車馬能來往，却有樵漁破寂寥。
澗水已添流漸遠，市塵渾不過浮橋。

連日大雨秋已如許

連朝秋雨起秋風夢覺吳山第一峯
離合亂雲思過雁
去來斜月聽吟蛩
寂寥髣髴天容澹
搖落相看野色濃
寄語騷人模寫取
登臨佳處更從容

二十六夜大雨達旦

熟睡俄驚簾未收
披衣側坐且搔頭
颼颼隔屋聽吹瓦
滂沛連牀定滿溝
曉起見山全帶霧
午晴沿澗尚周流
新涼秔稻農歌處
共喜開禧第一秋

十八日小暑大雨

申禱山川便作霖
耘苗時候想田深
且欣小暑能如此
更願新秋得似今
早稻欲花將就實
晚禾成葉未抽心
天應不忍焦勞意
直自初栽已望陰

苦旱

望雲渴雨驗朝霞
不但田家更國家
兵食固難資寶貨
民飢豈為用泥沙
一邱一壑自棲遯
百巧百窮誰富奢
水旱是天祈是我
山川靈響本無差

林熱江渾其奈何冷菰寒玉漫詩歌南遊禹穴古能幾
北望神州兵又多畎畝乏財愁折帛倉場儲粟仰秋禾
幽泉坎井徒爭汲盡日驕陽過碧蘿

孤坐焦心氣不甦炎風畏景逼頭顱澗流已斷無萍實
園圃俱荒失芋區絺綌縱施衣復汗簡編雖近墨難濡
人朝襤褸交遊絕頭白昏昏髮懶梳

歲晚霜天雪夜時地爐無火亦頻吹如今旱殺熱難過
以昔窮忙寒不知歲月只隨時變換乾坤徒使氣推移

馮生衆庶真何謂翻手為雲雨亦奇

去年水溢愁無地今歲旱乾唯告天潤澤且為南畝計
清涼終作北窻眠師興而雨春秋傳星有好風洪範篇
上郭橋頭看競禱大霞宮頂記曾遷

正月十日雪

雪花飛我讀書林松葉梅梢自賞音莫問侵尋春事近
肯教容易歲寒駸擁裘鶴帳眠方熟抱膝雞窻興愈深
更啓柴門喚鄰曲伴題冰柱共清斟

雪氣

連山烟霧起層陰
混混沍沍雪氣深
直面樓臺開遠寺
驚心人物話平林
花街車馬何曾少
茅屋塵埃轉不侵
吠怪從渠走羣犬
鴻冥初不礙遺音

探雪

芟削蒿萊見綠苔
扶疎竹影待梅開
風生野色蒼蒼合
日轉寒光冉冉來
高步芒屨時躑躅
橫拖藜杖且徘徊
斷鴻飛過霜禽下
清絕山根與澗隈

和仲達雪詩

屋上未融寒尚力山頭微積凍難開
照窗渾似月侵夜落酒只疑酥滿杯
蔌蔌剡溪粘短棹重重庾嶺壓疎梅
新詩韻度慰岑寂仰歎吾人殊有才

下簾元坐詠雪

紙簾垂下竹爐深火白燈青窻氣侵
但可吟哦經我手不須斟酌問它心
天寒頻歲無飛雪地暖連朝有積陰
萬逕千山蹤跡外躊躇足力詠投簪

雪

常時小至多無雪
今歲纔先七日飛
不待禱祠知帝力
要為豐稔發天機
包羅草樹孤城近
彈壓谿山小市稀
本自倦吟仍止酒
漁樵何事破寒歸

雪作次邱簿韻

萬里江天雪意濃
艤篷覓句愧諸公
相逢不數山陰夜
酬唱難追正始風
一飯已形雲子白
舉杯更瀉真珠紅
片帆西上君須記
興在遠村丹樹楓

次韻仲至雪

寒力噓雲積漸生倚梅偎柳大多情望迷鳩鵲光先起
戲就狻猊勢亦獐字字添酥驚怕晚絲絲弄粉惡羞明
謫仙簷下人誰畫更著飛花舞落英

雪天

雲意昏明欲雪天冷風吹葉滿流泉短簷半影荒荒日
曲逕微籠冉冉烟山色不嫌靈運屐溪光先上子猷船
林邊喜有春消息梅點長梢已粲然

喜雪上丁使君

臘前三白數年無
田里歡呼聽我徒
顧歎閒身何用矣
瞻言老手盍知乎
茅柴縱熱慵杯煖
鉛槧雖荒忍硯枯
袁巷灞橋空廣譬
只宜煎水對茶爐

次韻教授喜雪

臘前郊後豐年瑞
和氣祥風帝所祈
吹作六花殊未已
釀成三白更何思
列城黎庶窮無告
幽谷畸人飽可期
眼底玉谿真樂土
坐銷愁歎合吟詩

金史卷之八
卷十
在昔君家信不癡
剡中高興尚何之一時雪月寧須我
萬古溪山更屬誰
歡動梁園雖共樂
困安袁巷本相宜
衝寒應見前村笑
冷蕊疎梅又幾枝

雪消


雪晴如雨滴茅簷
近濺橫飛遠復霑
風定漸和歸几研
日斜微透入書籤
也知坐久須還起
便覺爐深不用添
麥隴高低應更潤
青青整整動纖纖

日雪

閉門忍作袁安卧一笑山陰訪戴行溪汎小舟吾亦懶
履穿東郭孰忘情飯炊因酒瞢騰去睡覺思詩宛轉成
莫道農田喜三白皚皚何地不爭明

雪晴可喜

雪後春生日氣晴梅根蘭葉喜駸駸亟圖賸賞那無興
轉覺倦遊非有心高卧袁安嗟往事生擒元濟報佳音
明年脫綬乘潮去舟過釣臺尤要吟



欽定四庫全書

集部

澗泉集卷十一

詳校官庶吉士臣吳烜

主事臣呂雲棟覆勘

膳錄舉人臣范翔集

膳錄監生臣俞錫玉

欽定四庫全書

澗泉集卷十一

宋 韓滉 撰

七言律詩

徑山

二十一日比年寺火獨遺國一和尚塔院及明月池耳他皆再建者

明月池頭國一禪殘僧依舊占三椽
薰風正綠門前樹積水都清澗下川
坐斷千峯因底事身輕百劫本何緣
簾輿有客登臨久齋罷茗盃香散烟

平山

章泉粥罷上松闕野逕田塍直復彎迫晚詩翁來款曲
同時坐客亦躋攀誰云身外無窮事自是人間有許閑
夢兀復輿忘遠近午風晴日已平山

山靜

山靜不嫌雞犬聲閒身隨意了陰晴柴扉終日其誰問
梅逕有時還自行一曲澗流雖淺澹數株花葉甚分明
牀頭周易初無恙酒困茶醒底用情

山林

山林終日掩柴門近聽風聲遠對雲粗有稻粱供伏臘
尚憑雞犬報朝曛氣非身外無存想書在眼前多見聞
客至不勞閑酒食一甌茶炷一爐熏

葛洪川

葛洪川畔試尋詩圓澤精魂世孰知但見野僧相指點
獨憐游子轉傷悲湍流澗水侵苔蘚磊落山嵒拂樹枝
我亦賞吟風月爾人間今古信如斯

二十八日宋家泉頭

卷十一
每逢泉石必從容間過吾廬絕澗東簸弄泓澄看硤确
盤旋窈窕喜蒙籠近村欲雨無斜日遠岫歸雲有陣風
白酒釀成誰酌我濯纓洗耳不須同

春泉

幽伴無人話采樵老身何處可逍遙間當曉徑誰爭席
間或春泉自一瓢煖霽欲銷遲日在輕風徐起亂雲颺
才情今古能多少未必巢由不見堯

山行

家住踈疎短短籬並山支徑自登躋寒雲四垂天慘慘
老木環鎖風淒淒身從荒園叩古寺眼暗孤城帶清溪
尋僧與客少談勝興罷歸來烏夜啼

初八日登前山獨坐久之

陰陰秋與白雲浮山近林深上上頭千里纔成萬家邑
百川分繞一方州其間雞犬微茫處此外鷗鵬莽曠遊
明日黃花是重九更尋橋月看溪流

夜同處晦霞山

案詩三首一見五
律一見七言絕句

金分四八
卷十一
春來不道梅花好古觀荒林並晚晴一一枝間見生意
重重影外落寒聲酒因人勝舒徐飲詩待客吟蕭散成
扶盡墟煙橫野水暗涵深綠起踈明

次韻晁仲二同倉使遊靈巖

使華春入梵王宮彷彿工顰在眼中邂逅五湖應自適
縱橫七國漫爭雄一時賓從歡無極千古興亡恨莫窮
空鎖靈巖舊蹤跡盡船羸得滿篙風

同昌甫遊瑞應峯一宿次韻

十載嘗同望此山雅懷幽意頗相關
豈期苔竹隨公去應笑錢塘見我還
洗夢唐人詩句裏驚霄前哲石碑間
秋風古寺一盃酒老覺心情只欲閒

過南礮

艤舟溪岸入山居步穩秋原木影疎
盡日極知無市井此身終是樂樵漁
鳥聲自占庭前樹嵐氣時侵案上書
尊酒故人情味別留連應喜到門初

自永豐玉山回宿南礮

章泉風日來時路烟雨南隴歸去時已過重陽猶菊藥
又將十月忽梅枝周遊放浪家家酒展轉流連處處詩
信道山間深更好儘閒尤與老相宜

初六日歸汎南隴已三鼓矣

乍涼天氣翠煙霏多少林花露未晞十里幽香秋醉去
一溪新月夜吟歸豈無僧舍居高遠定有人家在隱微
夜半鶴鳴猿嘯冷灘聲鳴遶釣魚磯

二十六日送曾守遇伯輝於南隴

周瑜隱地春曾住秋以為期玉斗遊只道參差無此適
要知拓落有何謀經行二姓忽相聚輾轉一身終自由
四樹木樨花正發幽香隨處且忘憂

晦日衝雨過同官趙大小樓眺望江山

一樓煙雨更橫江吳越蒼山入混茫霽色未分無遠樹
潮聲初過有歸艍檐楹高處閒登眺市井中間任迫忙
日日癡兒了官事暫時相賞試持觴

登一杯亭

當年丞相一登臨
酒畔崢嶸萬古心
重整乾坤歸廟社
却留歲月在山林
荒尋野閣甘棠蔽
名占高臺峴首深
見說治中新築就
肯堂三歎有遺音

旄麾誰不典方州
何事邦人記昔遊
時令縱非名轉盛
靈山如畫水西流
吾儕只得詩模倣
爾輩焉知酒拍浮
却憶環滁最佳處
醉翁亭子至今留

飯後乘日過東家

霜晴已是探梅時
野趣軒茶更合詩
才出門來唯獨往

不看山去亦何知試聽石瀨無塵滓如覺林梢有好枝
心與眼明知興熟朗吟惟老轉相宜

十三夜攜杯浮橋看月

一輪秋月到天心此夜全無雲片侵雅靜每於閒後見
孤高難向鬧中尋漸圓漸好形神正愈大愈明精氣深
最是溪間波影裡金光搖動玉沉沉

十一日郡守飯靈山閣夜坐新浮橋月中

使君襟抱中秋月閒飲賓僚醉野人倒載去尋高閣古

落成未試一橋新
山城明歲當回首
雲路茲時好發身
喚起嫦娥駕輪王
不知何處著纖塵

十三日方齋

麥秋蠶月雨收晴
城郭山林到處行
不是惜春尋小醉
忍教投老轉多情
啼鵲渺渺翻梁燕
夢蝶蘼蘼出谷鶯
記取招邀一杯酒
與君宜戲也宜驚

捉得春風住三日
明年依舊百花香
酒盃滿後同誰飲
詩句成時只自狂
金縷聲銷非幻景
玉華煙散任仙鄉

靈山翠滴水溪水只這閒情話更長

上乘寺

禾黍登場秋已深暮天寒日起層陰不論世路有夷險
但覺此心無古今黃帽青鞵聊自適高山流水付知音
解鞍野寺黃昏後犬吠疎籬鴉滿林

上富春灘

喚得扁舟一葉輕釣臺波上夕陽明固宜煙鳥知人意
只為雲山識我情篷日午前雖較熱帆風晚後却尤清

吾廬更在楚溪口歸卧北窗聽竹聲

十六日至章泉水

山愈深時地愈高春尋積李散崇桃
林廬但覺無塵話
田里那知有載醪
華髮蒼顏俱老大
清泉水白石更周遭
常年每厭居城郭
時復從翁敢憚勞

溪行

突兀荒荒漫挈瓶
泓澄窈窕且揚舲
隔山鷄犬三家聚
近水魚蝦一岸腥
說夢休誇巫峽賦
移文何愧草堂靈

交遊少得親相識臨眺多為舊所經

攜秉垓千散步

濕雲收動碧山空松葉桐花日影中
開盡一軒無曲折
掃除三徑有幽通
耘耔不厭農田雨流憇居多野水風
解斷浮航塵跡少葦間何地覓漁翁

月夜間自東樓溪遊甚適寄吳推趙將

滿船載得高溪月吹落東樓萬里風
岸上未收燈火處
城頭初動角聲中
撫懷定自閒相覓抵掌還知醉亦同

三百年來無此作謫仙飛過水晶宮

過冠秋

來年要作冠秋詩今日花時合自知我覺為吟真老醜
人疑取酒若兒嬉收香宿雨初浮藥弄色晴風定滿枝
莫道空山漫遺句傳家垂後有深規

同世昌尋春

春風清曉尚微霜近午寒收日漸長步穩路平山徐靄
眼明溪淨水生光珍禽啼鳥猶能樂野草開花亦自香

回首紅塵是城市林間詩酒試平章

晚寒散步澗上

支吾老態懶成言勃窣蹣跚試出門
脚底路回籬外屋眼前梅發澗邊村
雪霜欲下天回互煙霧不收山吐吞
歸到寒窻卷書坐地爐深火過黃昏

晚立澗旁

水邊獨立看黃昏梅蘂能銷客子魂
淡靄清鐘知隔寺微風幽笛是前村
牛羊徑路生寒色鵝鴨陂池裂凍痕

一種清懷幾多景鴉棲密木更翩翾

溪上行至傳庵蹊間崩石險澁幾路

無酒無詩只意行水邊林下偶然晴緩移野步微歌側
細比凡心儘曠平白髮去來同遯跡青春交往定蜚英
小庵供佛安禪地只合僧家一味清

納涼濠上

夕陽偏占綠荷風夏氣浮涼酒滿鍾人勝不譏吾拓落
身閒何恨爾從容喚回今古風騷體消得乾坤運化功

只是靈山照水水莫教憂樂係窮通

同吳永伯行田宿小寺

冉冉春煙山半昏
遠林荒草際斜曛
人家幾點望中見
雞犬數聲何處聞
不奈客愁驚晚歲
空餘詩思入行雲
青松影下歸來路
野寺對牀還醉醺

昌甫同汎舟歸宿澗房

山陰溪曲古何年
今日南礮棹復旋
夾岸暖風吹麥秀
釣竿清浪出魚鮮
諸兒挈飲能迎勞
耆舊談圍信解懸

放溜歸來月初夜林間應獨與翁便

九日登跨鶴臺有懷

山頭跨鶴舊登臺今日那知我獨來憶昨儒先追杖屨
因嘗鄉老共尊罍呼兒且伴閑身健好客何由笑口開
落魄使君王道甫幾回和月醉崔嵬

西風吹我上危臺鶴駕仙人跨海來雖少菊花猶破帽
既多楓落合傾罍玉溪爭瀉秋容淡靈岫森羅夕照開
老去悲傷易如許人心何若自崔嵬

倚樓

湖山咫尺懶追遊，獨倚危樓已白頭。
初夏風光還荏苒，乍晴雲物正飛浮。
長吟自可千篇在，小醉誰能萬事休。
轂擊肩摩爭輦路，不知虛度幾春秋。

鋤治山椒可置胡牀遠覽

荒穢誅鋤山徑開，更於高爽敞平臺。
眼明庶以閑登眺，步穩因之數往來。
載斲坡陀曾樹蕙，緣通茂密待移梅。
城南自是多幽處，一曲今藏古澗隈。

小泊橋南書院

時入吳就試注官

欲浮一舸過東吳小泊橋南興有餘盡道久懸高士榻
豈知重見故人車詩家情味從來別書院言談分外舒
蓮實藕花秋露滴坐多題句轉清虛

新闢小室自適

掃除閑室置書琴偃仰之間萬古心飯了欠伸因小憩
睡餘消散得孤斟輝輝白日回初暑拂拂清風動晚陰
門巷喜無車馬至傍簷時自聽鳴禽

暑中思澗上之適

野趣池頭蓮正香
湫泉亭上水生涼
有時並舍閑題句
盡日荒園浪舉觴
隘巷泥塗誰下榻
一樓風雨自移牀

青衫白髮今何事
苦戀明時在帝鄉

張乖崖與傳逸人詩當年失脚下漁

磯苦戀明時未得歸

玉田道中得詩二句因足之

秋晚晴原上
玉田水邊林下過
金仙寺鐘欲動
黃昏月野鳥時橫碧
落天黃糝人家皆取醉
菊花籬檻亦爭妍

三义路入孤村去九日閒投物外緣

何山有蘇滄浪蘇玉局詩乃唐何楷書堂也

亭上清詩得兩蘇空留精舍作僧廬地因人勝合題句
山以姓知緣讀書一徑虛明連別嶼小溪清淺過平湖
笋輿少憇烹茶去轉覺秋來興有餘

龜峯

繫船散策到龜峯人意從容景不窮點檢形容多變態
縱觀面勢更穹崇並邊幽草叢叢碧絕頂殘楓樹樹紅

山翠著人寒，更早嵐光明滅。鳥聲中

悠然堂

公堂柱笏文書省，日月青山在眼前。吟到有詩端自肯，
醉中因酒亦天全。霜高遠樹參差外，風落孤鴻滅沒邊。
却笑柴桑窮處士，籬根把菊始知然。

趙十重整山堂南北蒼翠在望

水南常只見靈山，城市誰曾顧此間。空占龍嵒成晝靄，
安能嵒嶠盡廻環。高堂知整軒牕靜，曲徑應多草木閒。

眼界一親心更遠屬聯佳句不當慳

同孟守出溪亭視漲和嚴解元韻

滾滾溪亭雨未休偶陪小隊得來遊
蠶桑時候將何望燕麥風前信隱憂
民力已殫誠易與天心非遠不難籌
果然香火開晴色從此年登定有秋

周倅以詩來索翠微堂題因周韻為末後句

翠微分得閒風月再葺斯堂若畫圖
舊觀豈專希白有新題還擬汗青無
隔林聞杼情何寄與客携壺景不殊

山上羣仙司下土蓬萊歸路莫踟躕

草堂為柴丈參議題

衝風衝雨傍孤城旋借籃輿上岸行零落交遊難屈指
崢嶸耆舊可尋盟共披莊列心何妙更話曹劉眼倍明
但願先生博長健笑看犬吠與鷄鳴

桃花臺

案此詩二首
其一見五律

倚棹捫蘿步古堤井邊池上訪招提荒荒草滿平原外
寂寂洲橫流水西一葉小舟漁自樂數行高樹鳥頻啼

人間俯仰仙凡隔丹竈空留占葛溪

禪月臺

山路難嫌脚力登儘高高處又憑陵豈無道院燒仙藥
定有僧龕供佛燈一任薦紳多習熟都緣書冊易因仍
屋頭巷尾誰連壁涼冷秋來老莫勝

跨鶴臺

按詩二首其一
見五言絕句

臺占溪南最上峯政成民樂得從容彼時高李情如許
此地蘇丁事偶逢可是吾身羨輕舉肯令人眼溷塵蹤

昂昂紫府飛來處一片笙簫酒滿鍾

次韻邱簿對碧軒

淡烟晴景鳥關關香淨茶甘宴坐間竹碧便宜終日對
僧清輸與一生閑此時薄宦經行地萬里思鄉夢處山
心寄飛鴻在雲眇數聲零落下滄灣

題笑軒

伸眉為作笑軒詩胡廣中庸天下知展轉此身俱老矣
紛拏何事不兒嬉從教流俗千般巧莫受榮華一點欺

幾度歸來撫空案清風明月總相宜

貧樂軒

林深自愛玉溪濱肯問囊空甑有塵但掃軒窗置書冊
時將樽俎醉詩人幽尋靈運登山屐靜寄淵明漉酒巾
南渡百年青社遠如君終不負閒身

題司馬寺丞約汪倅趙倅携酒相過澗亭

溪山前後簇雙旌暇日城南取次行因到小園尋勝事
更於野寺暢幽情聯翩別乘同歌吹落拓閒民亦兕觥

元祐相家文物在喚回洛社舊昇平

茅齋

鷺鷥林下得周旋回首淒涼十五年豈謂交遊尋舊約
不堪朋友話新編翠連山色高還聳綠滿湖波散後圓
小酌更多今古意薰風吹樹聽鳴蟬

題山光亭

晚春天氣綠園林小上危亭酒未深紫燕歸來知倦翼
黃鸝飛去有清音水煙望望山明滅風雨時時景晦陰

莫問癡兒了官事尊前容我短長吟

抗雲亭

淡煙晴日近重陽整屐荒山野路長世事是非同膠擾
人生今古一悲涼望窮千里乾坤外清絕小園松菊香
此日此時真可惜西風催釀滿林霜

成趣小隱

今年春色在山家到處尋梅看落花成趣園中乘日往
最高臺上受風斜棋聲與我詩無盡酒力因君興未涯

拓落不知天蚤暮更呼急管度芳華

成趣

春到名園花下門盡梁迎燕落泥芹海棠徑暖紅爭艷
魚藻波肥綠颭文興逸自憐真野老醉歸誰問故將軍
一時觴咏留連處更得清酬信不羣

寄題鄧器先北窻

古寺虛廊石壁陰幽人高卧一窻深絕勝移病聽朝鼓
大似歸田理素琴棋酒定知交有味軒裳得路可無心

何時下榻容吾語共挹清風抵萬金

題溪堂栢閣

循除瀲灩水長鳴栢閣溪堂靜處深
出處清朝為得路
卷舒黃卷足知音
雞豚里社高人酒
風月山林野客吟
好在秋殘一樽後
直須懷玉伴幽尋

徐和卿所居潘閭巷

知道逍遙巷裏居
彼時此地復何如
豈無草木稀人跡
那有塵埃污我書
將鶴清狂應望海
騎驢顛倒想臨湖

他年好事流傳去又說徐公舊隱廬

王元之贈潘詩將鶴賣藥嘗將鶴倒

騎驢舊有華

山圖借湖字

池上

池上松龍長子孫池東佳氣抱天迴
爭高蟻垤峻不已強聒蚊雷去復來
白笈囊空嫌惹苴碧雲舊路足蒼苔
清溪無限春桃種豈是劉郎一手栽

題新居

泉石堂前四十秋青山橫北水西流
蕭蕭木葉下高樹

寂寂河梁浮小舟喜有詩人尋勝跡可無閒客共清遊
脩然更占南屏曲應待我來盟白鷗

寄題廬陵曾氏新居

孝哉有子作斯堂孺慕終身信不忘橘熟可能懷陸續
枕涼無復扇黃香庭闌深處空萱盛門戶高時合桂芳
退傳之詩人所敬從今名字表江鄉

次韻鄭盱眙郊居

年來有味是琴書喜見新園更結廬萬事從教無造物

一身終是在寰區
賢愚衮衮多前古
富貴紛紛滿後車
倒著接離扶杖去
從公秋水看清渠

一邱一壑本同然
老去心情嬾問禪
野外江山天轉大
秋深風露月還圓
栽花種柳無餘日
問舍求田有盡年
只恐功名相逼逐
未容著意到閒邊

晁十哥舊居新闢種竹

舊家庭院新栽竹
却憶本閑南渡初
生聚百年推甲族
流傳四世尚同居
清風不負堂前燕
長日猶堆案上書

根本既深枝葉在時時培土莫輕鋤

寄題玉真高隱

楚山突兀起危亭消得登臨醉復醒
雲錦地連無俗客玉真天與集仙靈
煙霞明滅心逾遠松竹回環眼自青
何日主人同勝賞小舟波上待重經

瑞竹寺

白雲夜伴巖扉宿虛籟幽幽意自春
回首驅馳因薄宦平生蕭散本閒人
風摧老木嵐光靜霜逼早梅天氣新

眼底明朝更清絕便成西去也逡巡

秋晚同德久湖寺晚望

雲薄湖山入暮天近看容淡遠蒼然秋生曠暮時藏日
野外荒寒更起烟柳下不知多少屋葦間惟聽往來船
今年情味詩全減只合靈虛喚水仙

宿廣教寺

平生蕭散喜登臨秋入溪山處處清訪古人傳裴相國
尋詩我憶謝宣城風回萬木新霜淨雲薄長空夕照明

更向僧窓閒徙倚一樽談笑為君傾

廣修寺

石磴陰陰長薜蘿斷崖飛練瀉鳴波雨收林麓翠光合
雲淨峰巒爽氣多萬事身心毋固必此時詩句欲如何
蕭然便合歸林去已辨犁鉏著釣蓑

舜山寺

風沙跋馬度平原眼底光陰幾換年霜氣挾寒涵落日
雲容薄暮帶孤烟經行野寺尋詩和邂逅殘僧把茗煎

東縛一官真自笑可無清興解鞍眠

水西寺

水西佳處為停車不待丹青寫作圖高下是山非甚遠
回還隨路未嫌迂留連把盞歡纔洽迤邐支卬句不無
天地之間是閒客也須容我醉歌呼

訪古寺

一代文鳴能幾人要須終古景長新我來磐礴古洲晚
君亦為開三徑春山遠地平知得句林疎花近有閒身

茲遊頗快生雙眼相賞暫時情轉親

四月旦小池新荷

輕圓初泛水池荷承露翻風不厭多
平旦氣清舞蝶葉
午天人靜戲魚波采蓮他日當尋曲
夢草前時亦可歌
安得鏡湖三百里酒船回棹謫仙過

鄭一長塘摘蓮

驅驢拽馬赴初涼棹了南齊上近莊
稚子偶携寧有謂
經生相詭最難量酒因蓮藕醉言瀉
鷄配黃私餼彼忙

多少壯心收不起又撐小艇入長塘

巖桂盛開因游步久之

行到東家巖桂鄉花房濃密樹身長風行黃落留雲影
雨出青空漏日光已分角巾歌處折未饒藜杖靜中忙
山林寂寂歸高隱水石迢迢出遠荒

咏海棠

撩亂蒙籠黯淡中海棠收葉尚藏紅燕支肯負勻粧淺
翡翠何貪剪刺工酒病未甦還懊惱春愁纔解易怔忡

流芳催得年華老又見啼鶯轉小叢

春山看紅梅

年年常得醉君家今日紅梅正看花
點注初非桃有艷橫斜寧與李爭華
依然竹外居林下况復山顛與水涯
步遶孤根香更在高懷無惜共流霞

次韻紅梅

暗香疎影入深杯人怪新粧不是梅
祇恐冰清驚俗眼故移酒暈入花腮
蘭生林處元同臭杏滿園時肯亂陪

遲日艷陽天氣裏有歡羸得倒金壘

澗東臨水飲梅花尚未全放一樹獨佳

殘雪餘寒二月來澗東猶是欲開梅夕陽影澹初尋句
流水聲清更把杯取友喚鄰相領略破荒擇勝獨徘徊
誰能折向南枝醉一陣繁香撲麝煤

梅下

雖只霜濃春自濃野梅無處不為容半依古渡迷芳草
獨與荒山對老松綽約花房宜戲蝶崔嵬枝幹若游龍

角巾一幅支筇久不覺烟中有寺鐘

梅

雨邊烟際總淒淒已對靈山更玉溪
盡日凝情臨野渡幾回乘興步荒蹊
點紅嫩蘂休攀折帶白新花費品題
多少歲寒孤絕處空齋終夜聽猿啼

今年全未作梅詩與向花邊浪品題
不分雪霜摧剝盡尚須天日照臨之
靜看冷蘂無人會閒遶孤根只自知
猶有幽禽解鳴舞為予酬酢殆移時

肯同桃李強攬春自占空山野水濱老氣却因高樹得
清姿不待數花新本來澹泊難從俗縱入紛華亦絕塵
最愛夜深霜重處冷風吹起月精神

山間梅已十分開只欠襟懷與酒杯細玩芳條珠錯落
遠迷高樹雪培堆喧迎曉日艷爭發寒度晚風香自來
安得幽人同一醉長吟花底重徘徊

繁花高樹最宜晴細雨橫枝亦奈陰色薄半開都有態
香濃初謝轉傷情水邊却恨無多子山背尤憐太瘦生

驛使折來春信早
單于吹罷角聲清

臘後春歸草木初
誰知芳樹遶吾廬
風前有恨香仍遠
月下無人影自虛
可是酒杯能慰藉
尚須詩句與消除
西湖東閣今何似
愁絕飛花過眼疎

有懷山中梅花

踏雪尋梅淺淺山
酒醺詩惱肯從還
推敲忽在人煙外
酬酢更逢籬落間
迨晚昏寒乘野逸
愛香凌亂任寬閒
素衣塵土今如許
花底空窺豹一斑

看梅

小園春早喜梅開
煙斂風回月色來
香細靜知宜竹樹
影孤清與散莓苔
幽幽山背踈鐘韻
耿耿樓頭畫角哀
自笑年年被花惱
十分情味為銜盃

雨中看梅一二家小酌

春雨梅花濕小園
斷橋流影動黃昏
人家節近多留話
故舊閒中或置樽
落落鴈飛知隔浦
荒荒犬吠是前村
市廛只在煙林外
但恐溪添野水渾

二十七日朱上饒招看梅王幹吳推不至

澗谷閒人與探梅小樓紅藥萬枝開臨風便合尋吟筆
盡夜翻勞置酒杯郡將倅車將欲至治臺蓮幕不能來
官忙自是無窮事且對弦歌言偃哉

禪月臺看梅

晴日禪臺一樹梅似愁非怨向人開地銷臘雪扶疎起
天近春雲婀娜來立盡竹根空浩蕩坐移山頂更徘徊
凌風却月詩何在全藉清香發酒盃

探梅

探梅山路一盃亭日澹風微遠靄生莫問古來尋古話
只知春近賞春情幾枝冷蘂吟方見一點疎花畫不成
我挾兩兒同二友老年酒外更何營

點檢山前梅蘂痕花雖未放已銷魂縱饒老幹摧幽谷
也勝繁華倚市門冷落不成欺歲晚陽和且可待春溫
清香一噴紅梢滿却月凌風未易論

探梅天氣極思山中之時也

霜餘晴後探梅天
村岸山蹊接野田
時見樵夫能指點
旋尋僧子或留連
所携酒榼無多爾
其就詩篇亦偶然
一兩枝橫三四葉
最風情處帶輕煙

澗上蠟梅香甚

照眼花枝是蠟梅
香傳小樹為誰開
弄陰欲雪山長暝
破曉終風水漫洄
鳥語春聲喧復靜
鴻飛寒影去還來
數間敗屋浮橋外
何故無吟不舉杯

木樨有懷趙十

桂樹叢生花發時
雨垂風約更相宜
休將睡眠尋常看
漫說吟情未易知
我豈東西思領會
君應彼此較襟期
冠秋軒與山堂近
紅玉香消翡翠卮

野趣軒夜坐煮茶栗瓶中木樨香甚

窻靜明燈看木樨
秋聲吹雨欲淒淒
餘涼倍覺花撩亂
盡夜尤宜葉整齊
瓶浸冷香書案小
座圍幽艷屋山低
從容茶果歸來處
橋踏澗雲迷斷蹊

二十八日野趣軒

雨濕芙蓉綠映紅池塘秋淨晚濛濛水痕已下歸蘋淺
嵐氣初寒入樹空僧寺半依山路外人家多在郡城中
一橋隔斷溪南景天以閑窻付禿翁

瑞香

花如素馨微較密葉似楊梅團且長石竹染成魚尾色
辛夷吹得麝臍香移根雅入芝蘭室得種迥非桃李場
小檻平林暗芳草一軒輕露濕朝陽

冬日玉色木芍藥

便覺風和滿縣新一枝欺雪長精神東皇不肯羣芳謝
南國先回百里春簷外早梅猶隱約籬邊殘菊已紛綸
河陽善政催花發如見霓裳舞太真

舒彥升運管以詩送來禽次韻

老眼相望肯作疎來禽仍與好詩俱清新更覺珠璣滿
甘脆還知草木區此道在公誰復有一官希世我如無
兩峰趙叟尤堪笑絕曰輕肥只自癯

金來禽

案此詩二首其一見七言絕句

手種來禽已可嘉紛然凡木正芳華人間那有黃金藥
天上生成紅玉花却怪風流迷野路也如富貴在山家
病餘杯酒渾無緒空撫吟髭到日斜

竹院摘橘

柳陽猶記蘓耽井書後空題應物詩屋角數枝垂熟日
人家同飲過來時清霜尤美還經眼嚙霧微酸不上眉
竹院未饒仙老勝洞庭何似玉溪湄

笋出可愛

雨收餘潤散晴臯岸曲籬前首重搔不恨孤花春後少
最憐踈筍夜來高市聲隔水銷塵滓鳥影空山落羽毛
物外幽人元未減自量閒品頗清豪

雪天窻前寒鴉

寒窻曙色聽鳴鴉簷外梅梢苦未花冉冉青山風落木
淒淒碧澗水流沙相逢客子兩三輩指點比鄰四五家
自是幽棲有餘味又憑濁酒興無涯

